


醫籍攷

卷三十九  
方論十七  
四十八

武  
2  
20



門  
武  
2  
20

九折堂山田  
氏圖書之記

岡氏  
齋

岡氏  
齋

醫籍考卷三十九

東都 丹波元胤紹翁 編

方論十七

衛氏 沆 四逆三部厥經

佚

張仲景方序曰衛沆好醫術少師仲景有才識撰四逆三部  
厥經及婦人胎藏經小兒顛顛方三卷皆行於世 太平御覽

華氏 佗 內事

七錄五卷

佚

華佗方

隋志十卷 宋志作一卷

佚

隋志曰吳普撰佗後漢人

中藏經

宋志一卷

存

鄧處中序曰華先生諱佗字元化性好恬淡喜味方書多遊名山幽洞往往有所遇一日因酒息于公宜山古洞前忽聞人論療病之法先生訝其異潛過洞竊聽須臾有人云華生

在通術可付焉復有一人曰道生性貪不憚生靈安得付也先生不覺愈駭躍入洞見二老人衣木皮頂草冠先生躬趨左右而拜曰適聞賢者論方術遂乃忘歸况濟人之道素所好為所恨者未遇一法可以施驗徒自不足耳願賢者少察愚誠乞與開悟終身不負恩首坐先生云術亦不惜恐異日與子為累若無高下無貧富無貴賤不務財賄不憚勞苦矜老恤幼為急然後可脫子禍先生再拜謝曰賢聖之語一一不敢忘俱能從之二老笑指東洞云石床上有一書函子自取之速出吾居勿示俗流宜秘密之先生時得書回首已不見老人先生懾怯離洞忽然不見雲奔雨瀉石洞摧塌既覽

其方論多奇怪從茲施治效無不存神先生未六旬果為魏  
所戮老人之言預有斯驗余廼先生外孫也因吊先生寢室  
夢先生引余坐語中藏經真活人法也子可取之勿傳非人  
余覺驚怖不定遂討先生舊物獲石函一具開之得書一帙  
廼中藏經也予性拙於用復授次子思因以志其實甲寅秋  
九月序

陳振孫曰中藏經一卷漢譙郡華佗元化撰其序稱靈洞主  
少室山鄧處中自言為華先生外孫莫可攷也

樓鑰跋曰余少讀華佗傳駭其醫之神奇而惜其書之火於  
獄使之尚存若剗腹斷臂之妙又非紙上語所能道也古汗

陸從老述世之良醫也嘗與之論脈曰無如華佗之論最切  
曰性急者脈亦急性緩者脈亦緩長人脈長短人脈短究其  
說未暇也一日得閩中倉司所刊中藏經讀之其說具在蓋  
貳卿姜公訖為使者時所刊凡三十餘年而余始得之序引  
之說頗涉神怪難於盡信然其議論卓然精深高遠視脉察  
色以決死生雖不敢以為真是元化之書若行於世使醫者  
得以習讀之所濟多矣惜乎差舛難據遂携至姚江以叩從  
老從老笑曰此吾家所秘不謂版行已久因出其書見假取  
而校之乃知閩中之本未善至一版或改定數十百字前有  
目錄後有後序藥方增三之二閩本間亦有佳處可證陸本

之失其不同而不可輕改者兩存焉始得爲善本老不能繕  
寫俾從子漑手錄之靳春王使君成父聞之欣然欲於治所  
大書銀木以惠後學且以成余之志漑所錄面授而記其始  
始末於左藥方凡六十道亦有今世所用者其間難曉者有  
之恐非凡識所及他傳稱處齊不過數種又未知此爲是否  
好事者能以閱本校之始知此本之爲可傳也

呂復曰中藏經八卷少室山鄧處中云華先生他游公宜山  
古洞值二老人授以療病之法得石牀上書一函用以施試  
甚驗余乃先生外孫因弔先生寢室夢有所授獲是經於石  
函中其託爲荒誕如此竟不考傳獄吏焚書之實其僞不攻

自破按唐志有吳普集華氏藥方別無中藏之名普其弟子  
宜有所集竊意諸論非普輩不能作鄧氏特附別方而更今  
名耳蓋其方有用太平錢並山藥者蓋太平乃宋熙陵初年  
號薯蕷以避厚陵偏諱而始名山藥其餘可以類推然脈要  
及察聲色形證等說必出元化遺意覽者細爲審諦當自知  
之

俞弁曰中藏經八卷相傳華元化撰按唐書藝文志有吳普  
集元化藥方別無中藏之名普廣陵人親授業于元化之門  
以術藝知名今集中諸論非普不能作靈洞道士鄧處中自  
序元化外孫因弔寢室得此書於夢中余竊疑其妄誕論後

附方意者皆鄧生增入之耳。如地黃煎丸內有山藥古方各  
薯蕷為避宋英宗諱故易名山藥。燒肝散內有白朮蒼朮本  
草及古方書止云朮不分蒼白二種。牢牙地黃散細注云此  
方見僧文瑩湘山野錄。文瑩宋僧三者可證其出於鄧生之  
手覽者當自知之。

馮夢禎跋趙魏國書華氏中藏經并祕方真蹟曰此趙魏國  
晚歲養閑書也。錄華氏中藏經四十七條首尾俱不完為二  
卷而後附祕方六十道別為一卷分而復合喜為潤卿所有  
筆法蕭散閑肆無意之多。舟州先生王百穀董玄宰跋之詳  
矣而潤卿復乞余一轉語。余觀古人以文章書畫名後世者

類不肯虛其暇日。至於晚歲娛老養閑此意不廢。相傳魏公  
日課萬字佛道聖典人間祕書隨意搗灑不蹙而走天下况  
此三卷二萬餘言為祕論名方是活人壽世而希傳者耶。晴  
牕雨軒隨拈一卷焚香披閱便可永日慎卿其實之。快雪堂集

周錫瓚跋曰世傳醫書莫古於素問王冰謂即漢藝文志之  
黃帝內經然已不合於十八卷之數况後出之書耶。惟求其  
是者者信之而已。華氏中藏經陳直齋書錄解題云一卷宋  
史藝文志同然魏志佗傳佗出一卷書與獄吏吏不敢受索  
火焚之則佗之書久絕矣。何以至宋世而忽出耶。傳又稱其  
弟子吳普樊阿從佗學普準佗治多所全濟阿善鍼術普年

九十餘阿壽百餘歲則他書雖不傳而弟子習其業者亦可  
以著書傳後隋經籍志載吳普撰華佗方十卷華佗內事五  
卷觀形察色并三部脈經一卷枕中灸刺經一卷普集華氏  
藥方新舊唐書皆載於經籍藝文志而宋藝文志亦有華佗  
藥方一卷其書想北宋時尚有流播或多殘缺故其時名醫  
綴輯而成此書別立名目以託於華氏且宋自建隆以來甚  
重醫學乾德初考校醫官藝術太平興國間訪求醫書其時  
王懷隱成太平聖惠方李昉詳定唐本草仁宗時許希亦著  
神應鍼經要訣宋重醫學幾與唐之明法明算等疑其書或  
出於此時雖非元化之書要其說之精者必有所自也書一

刻於宋之闕中為倉司本一為樓攻媿鑰所校本余得舊鈔  
本前後多缺無序文目錄并樓公跋且避高孝兩朝諱疑即  
攻媿所校本困取新安吳氏刻本補其缺而用一按字註於  
下以別於原註并從攻媿集中錄跋附後始得為完書後附  
藥方吳本倍於此本其相同者僅二十方餘皆後人以意增  
入非原書也今悉依舊本雖未得宋刊校補然已與吳本迥  
別矣書之可傳攻媿跋之已詳茲述其書之由來而使世之  
學者勿以魏志有火於獄之說而疑之也書凡一卷後附方  
六十道因為上下二卷云乾隆五十七年秋九月茂苑周錫  
瓚識於楓橋之香嚴書屋

孫星衍序曰華氏中藏經見鄭樵通志藝文畧為一卷陳振孫書錄解題同云漢譙郡華佗元化撰宋史藝文志華氏作黃蓋誤今世傳本有八卷吳勉學刊在古今醫統中余以乾隆丁未年入翰林在都見趙文敏手寫本卷上自篇十篇性忌則脈急已下起至第二十九篇為一卷卷下自萬應圓藥方至末為一卷失其中卷審是真蹟後歸張太史錦芳其弟錄彙贈余又以嘉慶戊辰年乞假南歸在吳門見周氏所藏元化寫本亦稱趙書具有上中下三卷而缺論診禱病必死候第四十八及察聲色形證決死法第四十九兩篇合前後二本校勘明本每篇脫落舛誤凡有數百字其方藥名件次

序分量俱經後人改易或有刪去其方者今以趙寫兩本為定此書文義古奧似是六朝人所撰非後世所能假託考隋書經籍志有華佗觀形察色并三部脈經一卷疑卽是中卷論診禱病必死候已下二篇故不在趙寫本中未敢定之鄧處中之名不見書傳陳振孫亦云自言為華先生外孫稱此書因夢得于石函莫可考也序未稱甲寅秋九月序古人亦無以干支紀歲不著歲字者疑其序偽作至一卷三卷八卷分合之異則後人所改趙寫本旁注有高宗孝宗廟諱又稱有庫本陸本異同是依宋本手錄元代不避宋諱而不更其字可見古人審慎闕疑之意此書四庫書既未錄存又兩見



趙寫善本急宜刊刻以公同好卷下萬應圓等皆以丸散治疾而無湯藥古人配合藥物分量藥五藏五味配以五行生成之數今俗醫任意增減不識君臣佐使是以古人有不服藥為中醫之歎要知外科丸散率用古方分量故其効過于內科此即古方不可增減之明證余所得宋本醫學字書甚多皆足證明人改亂古書之謬惜無深通医理者與共證之嘉慶十三年太歲戊辰十月四日孫星衍撰序于安德使署之平津館

按是書名中藏者取寶而藏之之義後漢百官志曰中宮私府令一人六百石註官者主中藏幣帛諸物又蓋

勲傳曰多出中藏財物以餌士註中藏猶內藏也孫星衍謂卷第分合之異後人所改然考樓跋宋時已有兩本蓋吳勉學所輯據閩中倉司刊本者與樓氏所謂一版或改定數十百字藥方增三之二者相符趙文敏所書則以靳春王成父刊本為祖者其詳記樓氏校語并避兩朝廟諱則可以為證焉特周刻合為二卷殆不可解孫氏序稱周本具有上中下三卷而周刻卷末有已上八方陸本在中卷四十論後語則原又為三卷孫又稱中卷論診禱病必死已下二篇以為隋志所載他書遺文因查王叔和脈經有扁鵲華佗察聲色要訣其論

約畧相類則知其出于他書探說可謂詳確矣

華佗尤候

佚

按右見于幼幼新書

青囊方

佚

徐春甫曰魏華佗得異人授受今亡之

耿氏奉方

七錄六卷

佚

李氏譜之藥方

七錄一卷

佚

呂氏廣金韜玉鑑經

宋志三卷

佚

葛仙公杏仁煎方

宋志一卷

佚

晉書葛洪傳曰洪祖玄吳時學道得仙號曰葛仙公

醫籍考卷三十九

Blank columns for text on the right page.

醫籍考卷四十

東都 丹波元胤紹翁 編

方論十八

王氏叔和論病

七錄六卷

佚

皇甫氏謚依諸方撰

隋志一卷

佚

支氏法存申蘇方

七錄五卷

佚

劉敬叔曰沙門有支法存者本自胡人生長廣州妙善醫術遂成巨富有八尺髡髡光彩耀目作百種形像又有沈香八尺板牀居常香馥太原王琰為廣州刺史大兒邵之屢求二物法存不與王因狀法存豪縱乃殺而籍沒家財焉異苑

孫思邈曰諸經方往往有脚弱之論而古人少有此疾自永嘉南渡衣纓士人多有遭者嶺表江東有支法存仰道入等並留意經方偏善斯術晉朝仕望多獲全濟千金方

阮氏文叔河南藥方 唐志作阮炳

七錄十六卷

佚

冊府元龜曰阮炳字叔文為河南尹精意醫術撰藥方部按文叔叔文必有一誤葛洪肘后方序云阮河南等撰集暴卒備急方豈是書之外別有所採錄歟

謝氏泰黃素藥方 舊闕撰人名氏今據新唐志訂錄

七錄二十五卷舊唐志作十五卷

佚

按葛洪肘后方序有崔中書黃素方似與是書不同

葛洪玉函方 晉書洪傳作金匱藥方

百卷

佚

葛洪曰余見戴霸華佗所集金匱綠囊崔中書黃素方及百家雜方五百許卷甘胡呂付周始甘唐通阮南河等各撰集暴卒備急方或一百十或九十四或八十五或四十六世人皆為精悉不可加也余究而觀之殊多不備諸急病其尚未盡又渾漫雜錯無其條貫有所尋按不即可得而治卒暴之候皆用貴藥動數十種自非富室而居京都者不能素儲不可卒辦也多令人以針治病其灸法又不明處所分寸而

但說身中孔穴榮衛之名自非舊醫備覽明堂流注偃側圖者安能曉之哉余所撰百卷名曰玉函方皆分別病名以類相續其九十三卷皆單行徑易離陌之間顧盼皆藥衆急之病無不畢備家有此方可不用醫醫多承襲世業有名無實但養虛聲以圖財利寒白退士所不可得使使之者乃多誤人未有若自閑其要勝於所迎無知之醫醫又不可卒得得又不肯即為人使使腠理之微疾成膏肓之深禍乃至不救且暴急之病而遠行借問率多枉矣 抱朴子

晉中興書曰葛洪字稚川丹陽句容人幼覽衆書近得萬 卷自號抱朴子善養性之術撰經用救驗方三卷號曰肘后方

又撰玉函方一百卷于今行用太平御覽

玉函前方

隋志五卷

佚

肘后方

晉書洪傳作肘后要急方  
唐志作肘后救卒方

隋志六卷

舊唐志作四卷本朝  
現在書目作一卷

佚

自序曰余既窮覽墳索以著述餘暇兼綜術數省仲景元化  
劉戴秘要金匱綠秩黃表方近將十卷患其混雜煩重有求  
難有故周流華夏九州之中收拾奇異摭拾遺逸選而集之

此方乃... 卷之... 目錄... 玉函方... 肘后方... 隋志... 佚... 難有故周流華夏九州之中收拾奇異摭拾遺逸選而集之

力不能  
狀兼多  
究習醫  
能用鍼  
其方猶  
率多易  
有兼之  
用或不  
俗苦於  
疇之目

綜概學稿

此書卷數史志載スルところ互ニ異同アリト雖モ陶氏ノ原目必  
三卷ニ疑ナシ序列ニ已ニ分卷ノ義ヲ詳辨ス確證トナス今然ルニ今本  
八卷ナル蓋シ楊氏附方ヲ録セシ故卷帙多クナリ遂ニ分析シテ  
為ス八卷トモノカ如ク新書今本附右三卷ト見タリ及ビ鹿嶋山序  
如中卷末ニアレハ宗代ニハ原目三卷ノ本ヲ存セリ楊序ニ  
トモハ 本ハ必ス兼三卷ナラン

唐宗ノ詞ニ本アリ外此本書ニ又ヲ引拓高ノ等似ノ附右ハ河  
ト事ト、記セリ

唐宗ノ後書、葛氏ト引テモ陶氏ノ文アリ陶氏ト引テモ葛氏ノ文アリ  
彼是互ニ相稱スル故一概ニ断スヘカラズ

葛序ハ恐テハ後人抱朴ヲ据テ文ノ後引ラセ 依託シテ作ルモノ  
ナラン

外書、本書ヲ引テ多ク添ヤシ治療字ニ改メ唐帝ノ諱ヲ嫌フテ  
改作スルモノナシ今校正スル所ハ概置ス不録ス

陶氏補遺ノ文ハ朱書ヲ以テ別ツト序ナシ今本ハ互ニ水ノ系  
同ニテケ方如ク朱書混亂ニテ新カスヘカラズ楊氏據ル本

宗勅本ナシ定テ朱書ニ判然トシテカスルヘシ

葛氏ノ書ハ中葉ノ書ヲ除ク外コレヨリ古キナリ故、古法ニ多ク  
存在シハ學名宜ク此漢取味シテ必スヘカラズ

景元化  
重有求  
送而集

力不能  
狀兼多  
究習醫  
能用鍼  
其方猶  
率多易  
有兼之  
用或不  
俗苦於  
跗之目

又撰玉函方一百卷于今行用太平御覽

玉函煎方

隋志五卷

佚

肘后方

晉書洪傳作肘后要急方  
唐志作肘后救卒方

隋志六卷

舊唐志作四卷本朝  
現在書目作一卷

佚

自序曰余既窮覽墳索以著述餘暇兼綜術數省仲景元化  
劉戴秘要全價綠秩黃表方近將十卷患其混雜煩重有求  
難有故周流華夏九州之中收拾奇異摭拾遺逸選而集

使種類殊分緩急易簡凡為百卷名曰玉函然非有力不能  
盡寫又見周甘唐阮諸家各作備急既不能窮諸病狀兼多  
珍貴之藥豈貧家野店所能立辨又使人用鍼自非究習醫  
方素識明堂流注者則身中榮衛尚不知其所在安能用鍼  
以治之哉是使鳧雁擊擊牛羊搏噬無以異也雖有其方猶  
不免殘害之疾余今採其要約以為肘后救卒三卷率多易  
得之藥其不獲已須買之者亦皆賤價草石所在皆有兼之  
以灸灸但言其分寸不名孔穴凡人覽之可了其所用或不  
出乎垣籬之內顧盼可具苟能信之庶免橫禍焉世俗苦於  
貴遠賤近是古非今恐見此方無黃帝倉公和鵠踰跼之目



不能採用安可強乎

按是書名肘后者言其方單省足以立辨其卷帙亦不多可掛之肘后以隨行也隋志有扁鵲肘后方一卷抱朴子曰辟蛇蝮以乾薑附子帶之肘后其意並同友人  
都梁伊憺甫怡亦曰肘后者斥佩囊之類謂常在于肘腋下也猶斥劍云腰間物玉臺新詠集魏敏系欽詩何以致叩叩香囊繫肘后晉書周顛傳曰今年殺諸賊奴取金印如斗大繫肘后抱朴子勤求曰篇盡其囊枕之中肘腋之下秘要之旨王子年拾遺記曰浮提國獻神通善書二人乍老乍少隱形則出影聞聲則藏形出肘間

金壺四寸蓋腋下者肘之所抵故云肘後又云肘下又云肘間抱朴遐覽篇載崔子肘后經一卷李先先生口訣肘后二卷其義可以類推也

葛氏單方

藝文畧三卷

佚

陶氏弘景補闕肘后百一方新唐志作補肘后救卒備急方

七錄九卷新唐志作六卷書錄解題作三卷本朝現在書目有葛氏肘后方三卷陶弘景撰又有肘后百

方九卷

佚

自序曰太歲庚辰隱居云余宅身幽嶺迄將十載雖每植德  
施功多止一時之設可以傳方遠裔者莫過於撰述見葛氏  
肘后救卒殊足申一隅之思夫生人所為大患莫急於疾疾  
而不治猶救火而不以火也今輦掖左右藥師易尋郊郭之  
外已似難值况窮村迥野遙山絕浦其間枉大安可勝言方  
術之書卷軸徒煩極濟殊寡欲就披覽迷惑多端抱朴此劑  
貴為深益然尚闕漏未盡輒更採集補闕凡一百一首以朱  
書甄別為肘后百一方於雜病單治略為周遍矣應璩昔為  
百一詩以箴規心行今余撰此蓋欲衛輔我躬且佛經云人  
用四大成身一大輒有一百一病是故深宜自想上自道人

下達衆庶莫不各加繕寫而究括之余又別撰效驗方五卷  
具論諸病證候因藥變通而並是大治非窮居所資若華軒  
鼎室亦宜修省耳葛序云可以施於貧家野居然而不止如  
是今縉紳君子若常處閑佚乃可披檢方書或從祿外邑將  
令遐征或宿直藥闈晨露月隔絕或急速戎陣城柵嚴阻忽遇  
疾倉卒唯拱手相看曷若探之囊笥則可庸醫成醫故備論  
證候使曉然不滯一被條領無使過差也尋葛氏舊方至今  
已二百許年播於海內因而濟者其效實多余今重以該要  
庶亦傳之千祀豈止於空衛我躬乎舊方都有八十六首檢  
其四蛇兩犬不假殊題喉舌之間亦非異處入塚御氣不足

專名雜治一條猶是諸病部類強致殊分復成失例今乃配  
合為七十九首於本文究具都無忖減復添二十二首或因  
葛一事增構成篇或輔葛所遺準大更撰具如後錄詳悉自  
究先決比諸病又不從類遂具復勞在傷寒前霍亂置耳目  
後陰易之事乃出雜治中兼題與篇名不盡相符卒急之時  
難於尋檢今亦攷其銓次庶歷然易曉其解散脚弱虛勞渴  
痢發背嘔血多是貴勝之疾其傷寒中風診候最難分則皆  
應取之於脈豈凡庸能究今所載諸方皆灼然可用但依法  
施治無使違逆其癰疽金瘡形變甚衆自非其方未易根盡  
其婦女之病小兒之病並難治之方法不少亦載其綱要云

凡此諸方皆是撮其樞要或名醫垂記或累世傳良或博聞  
有驗或自用得力故復各題秘要之說以避文繁又用藥有  
舊法亦不復假事事註詔今通立定格共為成準凡服藥不  
言先食者皆在食前應食後者有各言之凡服湯云三服再  
服有要視病源准候或踈或數足令勢力相及毒利藥比須  
空服補瀉其間自可進粥丸散日三者當取且中暮進之四  
五服則一旦之中量時而分均也丸下丸散不云酒水飲者  
本方如此而別說用酒水飲則是可通用三物服也凡云分  
等即皆是丸散隨病輕重所須多少無定銖兩三種五種皆  
分均之分兩凡云丸散之若干分兩是品諸藥宜多非必止  
宜少之分兩

於若干分兩假令日三服方寸匕須差止是三五兩藥耳凡  
云末之是擣節如法吹咀者皆細切之凡云湯煮取三升分  
三服皆絞去滓而後酌量也字方中用鳥獸屎作矢字尿作  
溺字牡鼠亦作雄字乾作干字凡云錢匕者以大錢上全抄  
之若半錢則是一錢抄取一邊爾並用五銖錢也方寸匕者  
即用方一寸抄之可也刀圭準如兩大豆炮熬炙洗治諸藥  
凡用半夏皆湯洗五六度去滑附子烏頭炮去皮有生用者  
隨方言之礬石熬令汁盡椒皆出汗麥門冬皆去心九散用  
膠皆炙巴豆皆去心皮熬有生用者隨而言之杏人去皮尖  
熬生用者言之葶藶皆然皂莢去皮子藜蘆枳殼甘草皆

炙大棗支子擘破巴豆桃杏人之類皆別研搗如膏乃知之  
諸角皆屑之麻黃皆去節凡湯中用芒硝阿膠粘糖皆絞去  
滓內湯中更微煮令消紅雪白硝等皆狀此而入藥也用麻  
黃即去節先煮三五沸搽去沫後乃入餘藥凡以上諸法皆  
已具載在余所撰本草上卷中今之人有此肘后百一者未  
必得見本草是以復疏方中所用者載之此事若非留心藥  
術不可盡知則安得使之不僻繆也案病雖千種大略只有三  
條而已一則府藏經絡因邪生疾二則四支九竅內外交媾  
三則假為他物橫來傷害此三條者今各以類而分別之貴  
圖倉卒之時披尋簡易故也今以內疾為上卷外發為中卷

他犯為下卷具列之云上卷三十五首治內病中卷二十五首治外發病下卷三十首治為物所苦病

陳振孫曰肘后百一方三卷晉葛洪撰梁陶隱居增補本名肘後救卒方率多易得之藥凡八十六首陶併七首加二十二首共為一百一首取佛書人有四大一大輒有一百二病之義名之

楊氏用道附廣肘后方

八卷

存

自序畧曰方之行於世者多矣大編廣集奇藥群品自名醫

貴曾或不能以兼通而卒具况可以施於民庶哉於是行省乃得乾統間所刊肘后方善本即葛洪所謂皆單行徑易約而已驗籬陌之間顧眄皆藥家有此方可不用醫者也其書經陶隱居增修而益完矣既又得唐慎微證類本草其所附方皆治見精取切於救治而卷帙尤為繁重且方隨藥著檢用卒難乃復摘錄其方分以類例而附於肘後隨證之下目之曰附廣肘后方下鹽俾更加警次且為之序而刊行之方雖簡要而該病則衆藥多易求而論效則遠將使家自能醫人無大橫以溥躋斯民於仁壽之域以上廣國家博施愛物之德其為利豈小補哉皇統四年十月戊子儒林郎汴京

國子監博士楊用道謹序

四庫全書提要曰：肘後備急方八卷，晉葛洪撰。洪字稚川，句容人。元帝為丞相時，辟為掾，以平賊功，賜爵關內侯，遷散騎常侍，自乞出為句漏令，後終於羅浮山。年八十一，事蹟具晉書本傳。是書初名肘後卒方，梁陶宏景補其闕漏，得二百一首，為肘后百一方。金楊用道又取唐慎微證類本草諸方，附於肘后，隨證之下，為附廣肘后方。元世祖至元間，有烏某者，得其本於平鄉郭氏，始刻而傳之。段成己為之序，稱葛陶二君共成此編，而不及楊用道。此本為明嘉靖中襄陽知府呂容所刊，始並列葛陶楊三序於卷首。書中凡楊氏所增，皆

別題附方二字，列之於後，而葛陶二家之方，則不加分析，無可辨別。案隋書經籍志：葛洪肘后方六卷，梁二卷，亡。陶宏景補闕肘后百一方，九卷，亡。宋史藝文志：止有葛書，而無陶書。在隋已亡，不應元時復出。又陶書原目九卷，而此本合楊用道所附，祇有八卷，篇幅多寡，亦不相合。疑此書本無巨方在內，特後人取宏景原序冠之耳。書凡分五十二類，有方無論，不用難得之藥，簡要易明，雖頗經後來增損，而大旨精切，猶未盡失其本意焉。

范氏

江陽東方

案千金方太醫習業有云：范東陽張苗，勸邵等諸部經方，然則陽東當作東陽。

隋志一百五卷，錄一卷，梁一百七十六卷，亡。

佚

晉書曰范汪字玄平性仁愛善醫術常以極恤為事凡有疾病不限貴賤皆為治之十能愈其八九撰方五百餘卷又一百七卷後人詳用多獲其效太平御覽

舊唐志曰雜藥方二百七十卷范汪方尹穆撰

陳氏延之小品方

隋志十二卷

佚

廩丘公論

隋志一卷

佚

殷氏仲堪荆州要方

七錄一卷

佚

晉書曰殷仲堪陳郡人能清言善屬文名士咸愛之謝玄以為長史厚遇之仲堪父病積年衣不解帶躬本醫術究其精妙執書揮淚遂眇一目太平御覽

于氏法開議論備豫方

隋志一卷

佚

紹興府志曰：于法開好仙釋，後避支遁君刺，更學政醫術。明解嘗旅行，暮投主人，其家妻臨產而兒積日不墮。法開曰：此易治耳，殺肥羊倉十餘鬻，而鍼之，須臾兒下，羊骨裹兒出。

**武宋**帝雜戎狄方

七錄一卷

佚

羊氏欣中散雜湯丸散酒方

隋志一卷

佚

宋書本傳曰：羊欣字敬元，泰山南城人也。曾祖忱，晉徐州刺

史祖權黃門郎，父不疑為桂陽太守。欣少清默，無就於人，美言笑，善容止，沈覽經籍，尤長隸書，不疑初為烏程令，欣時年十二，時王獻之為吳興太守，甚知愛之，獻之嘗夏月入縣，欣著新絹帶，晝寢，獻之書帛數幅而去，欣本工書，因此彌善。起家輔國參軍，府解還家，隆安中，朝廷漸亂，欣優遊私門，不復進仕。會稽王世子元顯每使欣書，常辭不奉命。元顯怒，乃以為其後，軍府舍人，此職本用寒人，欣意邈恬然，不以高卑見色。論者稱焉。欣嘗詣領軍將軍謝混，混拂席改服，然後見之。時混族子靈運在坐，退告族兄瞻曰：望蔡見羊欣，遂易衣改席。欣由此益知名。桓玄輔政，領平西將軍，以欣為平西參軍。



仍轉主簿參預機要欣欲自疎時漏密事玄覺其此意愈重  
之以為楚臺殿中郎謂曰尚書政事之本殿中禮樂所出卿  
昔處股肱方此為輕也欣拜職少日稱病自免屏居里巷十  
餘年不出義熙中弟徽被遇於高祖高祖謂諮議參軍鄭鮮  
之曰羊徽一時美器世論尤在兄後恨不識之即板欣補右  
將軍劉藩司馬轉長史中軍將軍道憐諮議參軍出為新安  
太守在郡四年簡惠著稱除臨川王義慶輔國長史廬陵王  
義真車騎諮議參軍並不就太祖重之以為新安太守前後  
凡十三年游玩山水甚得適性轉在義興非其好也頃之又  
稱病篤自免歸除中散大夫素好黃老常手自書章有病不

服藥飲符水而已兼善醫術撰藥方十卷欣以不堪拜伏辭  
不朝覲高祖太祖竝恨不識之自非尋省近親不妄行請行  
必由城外未嘗入六關元嘉九年卒時年七十三

羊中散藥方

七錄二十卷

宋書欣傳  
作十卷

佚

謝南郡療消渴病方

隋志一卷

佚

宋建平王典術

七錄百二十卷

佚

宋書曰建平宣簡王宏字休度文帝第七子也早喪母元嘉二十一年年十一封建平王食邑二千戶少而閑素篤好文籍太祖寵愛殊常為立第於雞籠山盡山水之美建平國職高他國一階二十四年為中護軍領石頭戍事出為征虜將軍江州使<sup>刺</sup>使史二十八年徵為中書令領驍騎將軍元凶殺立以宏為左將軍丹陽尹又以為散騎常侍鎮軍將軍江州刺史世祖入討邵錄宏殿內世祖先嘗以口手板与宏宏遣左右親信周法道齋手板詣世祖事平以為尚書左僕射使奉

迎太后還加冠軍將軍中書監僕射如故減質為逆宏以仗士五十人入六門為人謙儉周慎禮賢接士明曉政事上甚信杖之轉尚書令加散騎常侍將軍如故給鼓吹一部尋進號衛將軍中書監尚書令如故宏少而多病大明二年疾動求解尚書令以本號開府儀同三司加散騎常侍中書監如故未拜其年薨時年二十五追贈侍中司徒中書監如故給班劍二十人

徐氏叔嚮

雜療方

舊唐志作徐叔和撰

隋志二十二卷

佚

雜病方舊唐志作體療雜病方徐叔和撰

七錄六卷

佚

療脚弱雜方

七錄八卷

佚

徐氏悅體療雜病疾源

七錄三卷

佚

徐氏文伯藥方

七錄二卷本朝現在書目作一卷

佚

徐大山試驗方

隋志二卷

佚

巾箱方

隋志三卷

佚

隋年方本朝現在書目作隨手方

隋志二卷

佚

徐氏嗣伯落年方

隋志三卷

佚

藥方

隋志五卷

佚

雜病論

舊唐志二卷

佚

徐氏裝要方

七錄一卷

佚

隋志曰無錫令徐裝撰

徐氏方伯辨脚弱方

七錄一卷

佚

徐氏辨卿藥方

隋志三十一卷

佚

徐氏闕名雜方

隋志一卷

佚

效驗方

隋志三卷

佚

秦氏承祖藥方

隋志四十卷見三卷舊唐志作十七卷

佚

胡氏治百病方新唐志作治百病要方

隋志三卷唐志作三卷本朝現在書目同

佚

劉敬叔曰胡道洽者自云廣陵人好音樂醫術之事體有臊氣恒以名香自防唯忌猛犬自審死日誠弟子曰氣絕便殯勿令狗兒見我尸也死於山陽殮畢覺棺空即開者不見尸體時人咸謂狐也異苑

張杲曰胡洽道士不知何許人性尚虛靜心棲至道以拯救為事醫術知名醫說

釋氏僧深藥方舊唐志作集方

七錄三十卷

佚

孫思邈曰宋齊之間有釋門深師師道人述法存等諸家舊方為三十卷其脚弱一方近百餘首千金方

又曰深師述支法存所用永平山敷師連范祖耀黃素等諸脚弱方凡八十餘條皆是精要同上

摩訶胡口口出胡國方

七錄十卷

佚

醫籍考卷四十

山田元昌抄寫

